

Ganjaran hebat bersedekah di bulan Ramadan

KOSMO - 576/16 - CM/S 15)

SESIAPA yang memberi makan orang yang berpuasa (iftar), maka baginya (pemberi) pahala seperti orang yang berpuasa itu tanpa dikurangkan sedikit pun pahala orang yang berpuasa tersebut. - Riwayat at-Tirmizi.



AHMAD DUSUKI

Hadis tersebut menerangkan betapa besarnya ganjaran yang dijanjikan oleh Allah SWT buat

seseorang individu yang melakukan amal jariah dengan memberikan juadah berbuka kepada golongan yang berpuasa.

Menurut penceramah bebas dan pendakwah terkenal, Ustaz Ahmad Dusuki Abd. Rani, Allah akan melipatgandakan ganjaran dan pahala buat golongan yang bersedekah pada bulan Ramadan.

"Amalan bersedekah pada

bulan-bulan biasa juga sudah dijanjikan ganjaran yang hebat oleh-Nya, apatah lagi sekiranya seseorang itu bersedekah pada bulan Ramadan.

"Ganjaran yang diperolehi boleh meningkat sehingga 70 kali ganda banyaknya. Selain itu, mereka yang gemar bersedekah juga lebih murah rezeki dan segala urusannya dipermudahkan, Insya-Allah," jelasnya.

Menurut Ahmad Dusuki lagi,

antara contoh sedekah yang paling mudah adalah dengan memberikan juadah berbuka buat orang yang berpuasa.

Dengan cara itu, maka pahala orang yang berpuasa itu tadi menjadi milik si pemberi sedekah, malah ia dilipatgandakan lagi.

Bulan Ramadan yang bakal disambut esok di seluruh negara ternyata merupakan waktu terbaik untuk semua umat Islam dalam menggandakan lagi amalan bersedekah.